

riflession de Tomaso

La zente

Zente che passa, che varda, che scolta
e magari t'i vidi solo 'na volta;

zente che ride, che scherza, che brava:
ghe ne xe senpre uno che mejo si'a cava!

Zente che pensa, che leze, che imàjina
e che pian pianelo se volta na pàjina;

zente che a tuti ghe cata le mende,
ma a casa ghe toca lavare le tende;

zente che tase e ghe va tuto ben:
i xe proprio quili che ga tanta sen;

zente che parla solo a recia co mi:
"Da qua no va fuora gnan tanto cussì...";

zente co la oja de far na cantada,
sicuri che qua no se va fuora strada:

zente. Che bela la zente-Pessati,
che el pì dele volte passa par mati,

zente inpegnà a sbrojar sta matassa.
E mi drìo del banco vardo el mondo che passa.